

Skatterådimit najoqqutassiaq.

Pineqartog: Ingerlatsiviup Kalaallit Nunaata avataaniittup amigartoorutaasa ilanngaatigineqarsinnaanerisa killiliivigineqarnerat.

Imarisai:

- A. Aallarniutitut oqaaseqaatit imm. 1 - 4
- B. Inuit akileraartussaataasut maleruagassani pineqartutimm. 5 - 9
- C. Ingerlatsivinnit pineqartunit aningaasarsiat naatsorsorneqarneriimm. 10 - 16
- D. Ilangaateqarsinnanerp killiliivigineqarneranut maleruagassatimm. 17 - 18
- E. Aalajangersakkat atuutilersitsisuusut ikaarsaarutaasullu imm. 19

A. Aallarniutitut oqaaseqaatit.

1. Inatsisartut inatsisaata allannguutissaatut Inatsisartut inatsisaanni nr. 21, 30. oktober 1992-imeersumi § 1, imm. 4-mi inuussutissarsiuutigalugu ingerlatsiviit Kalaallit Nunaata avataaniittut amigartoorutaasa ilanngaatigineqarsinnaanerit killiliivigineqarpoq (§ 21A). Maleruagassat 14. oktober 1992 aallarnerfigalugu atuutilerput, takuuk immikoortoq E.

Killiliinerup kingunerisaanik amigartoorutit isertitanit allanit ilanngaatigineqarsinnaajunnaarput, taamaallaalli ingerlatsiviup taassuma ukiumi tulliuuttuni tallimani sinneqartoorutaanit ilanngaatigineqarsinnaalerlutik.

2. Maleruagassat siunertaat tassaavoq ingerlatsivinni "anpartitut"(umiarsuarni anpartitut il.il.) neqeroorutigineqartartunut, aammalu amerlanertigut kommanditselskabitut interessentskabitutulluunniit pilersinneqartartunut aningaasaliisarnikkut akileraarutitigut iluaqutiginnissinnaanerup killiliivigineqarnissaa.

Maleruagassat nalinginnaasumik atuuttut naapertorlugit ingerlatsivinni Kalaallit Nunaata avataani ingerlanneqartuni amigartoorutaasartut maannamut isertitanit allanit ilanngaatigineqarsinnaasimapput. Killeqanngitsumik nalikilliliisinnaanerup atorneqarneratigut periarfissaasimavoq amigartoorutaasimasinnaasut isertitanit allanit ilanngaatigineqarsinnaanerit, tamannalu akileraartussaataasup akileraarutitigut iluaqutigisarsimavaa, pingaartumik akileraarutissat kinguarternerisigut.

3. § 21A-mi maleruagassat taamaallaat atuupput inunnet § 1, imm. 1, nr. 1 aamma nr. 2 naapertorlugi akileraartussaataasunet, namminersorlunilu inuussutissarsiuutigalugu ingerlatsivimmu Kalaallit Nunaata avataaniittumut peqataasunet, takuuk immikkoortoq B.

4. Immikkut ittunik pissutissaqartoqartillugu Naalackersuisut, Naalackersuisulluunniit tamatumunnga piginnaatitaat akuersissuteqarsinnaapput amigartoorutit § 21A, imm. 1-imi pineqartut tamakkiisumik ilaannakortumilluunniit isertitanit allanit ilanngaatigineqarsinnaanissaannut.

B. Inuit akileraartussaataasut maleruagassani pineqartut.

5. Inuit kommanditselskabini, umiarsuaatileqatigiiffinni ingerlatsivimmik Kalaallit Nunaata avataaniittumik ingerlatsisuni kommanditistitut, umiarsuaateqaqataasutut assigisaatulluunniit

peqataasut amigartoorutaat § 21A-mi maleruagassat naapertorlugit suliarineqartassapput. Tamanna aammattaq atuuppoq inunnut interssentskabini, qulillu sinnerlugit peqataaffigineqartuni (piginnitseqartuni) piginneqataasunut, aammalu akileraartussaataasooq ingerlatsiviup ingerlanneqarnerani annertungaatsiartumik peqataanngitsunut.

Ingerlatsiviit pineqartut tassaapput kommanditselskabit, umiarsuaatileqatigiiffiit assigisaalluunniit aammalu interessentskabit. "Assigisaattulluunniit"-mik oqarnermi pineqarput namminersorluni inuussutissarsiutigalugu ingerlatsiviit (inunnit namminernit pigineqartut) allat, ingeressentskabiunngitsut aammalu kisermaallugu ingerlatsivittut pilersitaanngitsunut.

Interessentskabit namminersorluni inuussutissarsiutitut ingerlatsivinnit allanit immikkoortinneqarnissaat pissaaq tamatumani inatsisitigut periaatsit atuuttut tunngavigalugit. Interessentskabit ilisarnaataat tassaavoq peqataasut nammineerlutik, ataatsimoorlutik aammalu toqqaanartumik ingerlatsiviup akiitsuinut akisussaanerat.

6. Interessentskabimi peqataasut quliuppata ikinneruppataluunniit peqataasut arlaannaalluunniit maleruagassani pineqassanngillat. Peqataasut qulinit amerlaneruppata peqataasut ingerlatsinermut annertungaatsiartumik peqataanngitsut tamavimmik maleruagassani pineqassapput.

Interessentskabimi **peqataasut amerlassusaat** qulinit ikinnrusunilluunniit allanngortillugit qulit sinneqalersinneqarpata, peqataasut, ingerlatsiviup ingerlanneqarnerani annertungaatsiartumik peqataanngitsut tamavimmik aalajangersakkami pineqassapput. Peqataasut amerlassusaat qulinit amerlanerusunit qulinut ikinnerusunulluunniit allanngortinneqarpata peqataasut, ingerlatsiviup ingerlanneqarnerani annertungaatsiartumik peqataanngitsut tamavimmik aalajangersakkami pineqarnerat atuutiinnassaaq.

Interessentskabimi peqataasup akileraartussaataasup ingerlatsivimmi **annertungaatsiartumik peqataaneranik** isummernissami apeqquataatinneqassaaq inuup taassuma nammineerluni suleqataanera qaammammut agguaqatigiissillugu minnerpaamik nal.akunnerinik 50-nik siviussuseqarnera.

Peqataasut qassiunerinik naatsorsuinermi ilaatinneqassapput piginneqatigiiffiit inuillu, apeqquataatinngit Kalaallit Nunaannut akileraartussaataitanersut akileraartussaataannginnersulluunniit.

Interessentskabimi peqataasut qassiunersut amerlanertigut takuneqarsinnaavoq interessentskabit ukiumoortumik naatsorsuutaani.

Peqataasut amerlassusaat naatsoruutini takuneqarsinnaanngippat aammalu amigartoorutit isertitanit allanit ilanngaatineqarnissaat qinnutigineqaraangat, akileraartussaataasup peqataasut amerlassusaannut uppersarsatitut ilanngutissavaa interessentskabimi isumaqatigiissut, allattorsimaffik handelsregisterimit suliarineqarsimasooq, kukkunersiuisup uppersarsataa assigisaalluunniit.

7. Ingerlatsivik **ukiup ilaannaani** maleruagassani pineqarpat, ingerlatsivimmit isertitat tamakkiisut § 21A naapertorlugu ukiumi aningaasarsiorfiusumi tamarmi suliarineqassaaq. Assersuutigalugu ukiup aningaasarsiorfiusup ingerlanerani interessentskabimi peqataasut 11-saat ilanngunneqarpat, peqataasut ingerlatsiviup ingerlanneqarneranut annertungaatsiartumik peqataanngitsut tamavimmik ukiumi aningaasarsiorfiusumi tamarmi pineqassapput.

8. Ingerlatsiviup **Kalaallit Nunaata avataani** ingerlanneqarneranik isummernissami aalajangiisuussaaq ingerlatsivik Kalaallit Nunaata avataani inissisimanersoq. Sumi inissisimanagera aalajangerneqarsinnaanngippat aalajangiisussaalissaaq ingerlatsiviup sumi aalajangersimasumik ingerlanneqarfia.

"**Aalajangersimasumik ingerlanneqarfia**"-nik oqarnermi pineqarpoq ingerlataq, immikkoortortaqarfik, allaffik, suliffissuaq, sannavik imaluunniit nunap iluani pii-aaffik, gassisiofrik uuliasioffilluunniit, ujaqerivik allaluunniit nunap pilersitaanik pii-aaffik sumit aquanneqarner-soq.

9. Aalajangersakkami pineqarpat suulluunniit namminersorluni inuussutissarsiummik ingerlatsiviit niuernerup sullissinerup, nunalerinerup, suliffissuaqarnerup, kiffartuussinermik suliaqarnerup, attartortitsinerup il.il. Iluanni. Taamaattorli ilaatinneqanngillat pigisap aalaak-kaasup Kalaalit Nunaata avataani inissisimasup isertitai aningaasartuutaalu, tassami ingerlatat taamaattut sinneqartoorutaat amigartoorutaalluunniit immikkut § 13, imm. 5-imi iluarsivigineqarnikummata.

Pisuni atasiakkaani namminersorluni inuussutissarsiutigalugu ingerlatsisoqarner-soq tamatu-munnga periaaserineqartut atuuttut naapertorlugit aalajangerneqartassaaq.

C. Ingerlatsivinnit pineqartunit aningaasarsiat naatsorsorneqarneri.

10. Ingerlatsiviup sinneqartoorutai amigartoorutaaluunniit akileraaruteqaataasussat akeraartarnermi inatsimmi maleruagassat nalinginnaasumik atuuttut naapertorlugit naatsorsorneqartassapput, taamaattorli nalikilliliinerit aammalu erniatigut isertitai ernianullu aningaasartuutit ingerlatsivinnut ataasiakkaanut aatumassutillit sinneqartoorutinit amigartoorutinulluunniit ilanngullugit naatsorsorlugit.

11. Ingerlatsiviup nalikilliliissutai apeqqutaatinnagit akileraartussaataasut ataasiakkaat peqataasut akileraartarnermi inatsimmi maleruagassat nalinginnaasumik atuuttut malillugit killeqanngitsumik nalikilliliisinaapput.

12. Erniatigut isertitai aamma **ernianut aningaasartuutit** ingerlatsivinnut ataasiakkaanut ilaatinneqartassapput, assersuutigalugu ingerlatsiviup naatsorsuutaanut ilanngunneqartillutik. Aammattaaq ernianut aningaasartuutit ingerlatsivinnut ilaatinneqartassapput, ataatsimoorullugit akisussaaffigineqarsimappata. Ilaatigut taamaattoqartassaaq akiligassaqarfik, attartukkat akilersorneqarnissaat eqquutsinneqanngitsillugu ingerlatsiviup ataatsimoorussap pigisaanik pigisaasaluunniit ilaannik akiliisitsiniassatillugu. Tamannattaaq atuuppoq peqataasut akiitsunut allanut ataatsimoorlutik akisussaattillugit.

Allatut pisoqartillugu sukumiisumik naliliinikkut aalajangerneqartassaaq erniatigut isertitai aamma/imaluunniit ernianut aningaasartuutit ingerlatsivinnut attuumassuteqarner-sut imaluunniit erniat akileraartussaataasumut namminer-mut attuumassuteqarner-sut. Akileraartussaataasooq isumaqarpat ernianut aningaasartuutit namminerminut attuumassuteqartut aamma-lu qularutigineqarpat ilumut ingerlatsivinnut attuumassuteqanngitsut, taava akileraartussaa-titaasup erniat namminerminut attuumassuteqarneri uppersartariaqarpai. Taamaattoqartassaarlu isumaqartarpat erniat ingerlatsivinnut attuumassuteqartut, kisianni-li inummit namminermit erniatigut isertitai isigineqartariaqarlutik.

13. Ingerlatsiviup naatsorsuutai erniatigut isertitanik aammalu ernianut aningaasartuutini-piffissanut attuumassuteqarfisigaannuinaq agguataarneqarsimasunik imaqarpata, soorlu assersuutigalugu akileraartutitigut naatsorsuutit ataatsimoorfianni, taava paeriaaseq maan-namut atuuttoq naapertorlugu akuerineqarsinnaavoq piginnittup akileraartussaataasup taak-ku naapertorlugit sinneqartoorumminik amigartoorumminilluunniit ilanngussa-qarnissaa. Erni-at piffissanut attuumassuteqarfisigaannut agguataarneqarsimasut aammalu erniat akiligassan-gorsimasut naatsoruutini nalunaarneqarsimappata akileraartussaataasup sinneqartoorutit amigartoorutilluunniit, tamatumani ilaallutik erniat akiligassanngorfii naapertorlugit naatsor-sorneqarsimasut, ilannguttussaavai.

14. Sinneqartoorutit amigartoorutilluunniit **ingerlatsivinnut ataasiakkaanut** immikkut naatsorsorneqartassapput. Assersuutigalugu akileraartussaataasooq kommanditselskabini pingasuni peqataappat, taava kommanditselskabinit sinneqartoorutit amigartoorutilluunniit tamarik immikkut naatsorsorneqassapput.

15. Ingerlatsiviup tunineratigut iluanaarutit annaasalluunniit maleruagassat naliginnaasumik atuuttut naapertorlugit naatsorsorneqartarnerat atuutiinnarpoq, tamatumani ilaalluni pigisat nalillit akileraartussaataanerup kipinerani tunineqartutut isigneqassallutik.

16. Tamakkiisumik akileraartussaaneq aallartippat kipippallu pigisat nalillit ataasiakkaat pisarinerini tuninerinilu akii tassaassapput akileraartussaanerup aallartinnerata kipineratalu nalaani naliginnaasumik niuernermi tunineqassasuugunik nalingi.

D. Ilanngaateqarsinnaanerup killiliivigineqarneranut maleruagassat.

17. Ingerlatsiviup § 21A-mi pineqartup **amigartoorutai** sinneqartoorutitalimmik aningaasarsianit allanit ilanngaatigineqarsinnaanngillat, taamaallaalli ilanngaatigineqarsinnaallutik akileraartarnermi inatsimmi § 21, imm. 1-imi 3-milu maleruagassat naapertorlugit ingerlatsiviup taassuma ukiuni tulliuuttuni tallimani sinneqartoorutitalimmik aningaasarsiaaniit. Amigartoorutilli ilanngaatigineqarsimannngitsut ukiuni tallimani siulliini ingerlatsiviup taassuma sinneqartoorutitalimmik aningaasarsiaanit ilanngaatigineqarsinnaanissaasa Skatterådimit akuersissutigineqarsinnaanera periarfissaqarpoq, takuuk § 21, imm. 6.

Aningaasarsianit allanit oqarnermi pineqarput aningaasarsiat suulluunniit akileraartarnermut inatsimmi maleruagassat naliginnaasumik atuuttut naapertorlugit naatsorsorneqarsimasut, apeqqutaatinnagu aningaasarsiat aningaasarsiorlutut iseertitaanersut, Kalaallit Nunaanni namminersorluni ingerlatsivimmit imaluunniit Kalaallit Nunaata avataani namminersorluni ingerlatsivimmit allanit aningaasarsiaanersut.

Ingerlatsiviup taassuma ukiuni aningaasarsiorfiusumi kingusinnerusumi sinneqartoorutitalimmik aningaasarsiaanit amigartoorutit ilanngaatigineqarsinnapput, naak akileraartussaataasooq ukiuni aningaasarsiorfiusumi tassani § 21A-mi maleruagassani pineqanngikkaluartoq. Assersuutigalugu piffisani akileraartussaataasup ingerlatsivimmi ingerlatsinnermut annertungaatsiartumik peqataanngiffiini amigartoorutit, takuuk imm. 6, ingerlatsiviup taassuma kingusinnerusukkut sinneqartoorutitalimmik aningaasarsiaanit taamaallaat ilanngaatigineqarsinnaassapput, apeqqutaatinnagu akileraartussaataasooq piffisani kigusinnerusuni ingerlatsiviup ingerlanneqarnerani annertungaatsiartumik peqataanersooq.

Ingerlatsiviup ilumut taassumaanerani aalajangiinissami apeqqutaanngilaq ingerlatsiviup piginnittui ingerlataaluunniit kingusinnerusukkut allannguuteqarsimanersut, kisiannili aatsaat ingerlatsivik unissimappat.

Ukiuni siusinnerusuni amigartoorutaasarsimasinnaasut katersorneqarsimasut suli ilanngaatigineqarsimannngitsut ingerlatsiviup tunineqarneratigut uninneratigulluunniit pigisaanik nalilinnik tunisinikkut iluanaaruteqarluni sinneqartoorutitalimmik aningaasarsianit ilanngaatigineqarsinnaapput, takuuk imm. 15 aamma 16. Amigartoorutit sinnerisinnaasaat aningaasarsianit allanit ilanngaatigineqarsinnaanngillat, tamannalu aamma atuuppoq ingerlatsiviup tunineratigut uninneratigulluunniit amigartoorutinu/annaasanut.

18. Amigartoorutit immersugassamut immikkut ittumut allanneqartassapput, taannalu nammineerluni nalunaarsuiffimmut ilannguneqartassalluni, amigartoorutillu immikkoortillugit angissusilerneqarsinnaapput aammalu §§-ini 55-imiit 59-imut maleruagassat naapertorlugit immikkoortillugit naammagittaalliuutigineqarsinnaallutik. Akileraartussaataasup amigartoorutini allatut ilillugit nalunaarpagit, soorlu naatsorsuutini, tamanna akuerineqarsinnaavoq.

Amigartoorutit nuunneqarsimasinnaasut peereerlugit sinneqartoorutit nammineerluni nalu-naarsuiffimmi qupperneq 2-mi imm. 7-imut nuunneqartassapput.

E. Aalajangersakkat atuutilersitsisuusut ikaarsaarutaasullu.

19. § 21A atuuppoq aningaasarsianut (amigartoorutinut) ingerlatsivimminngaaneersunut ullorlu 14. oktober 1992 aallarnerfigalugu pinngortunut. Taamaalillutik anpartit/piginneqataassutit ulloq taanna sioqqullugu kingoqqullugulu pissarsiarineqartut matumani ilaatinneqarput.

Ingerlatsiviup ukioq aningaasarsiorfia tassaappat qaammatsiutit malillugit ukioq, taava akileraartussaataasup 1992-imi ingerlatsivinnut ataasiakkaanut tunngatillugu qinersinnaavaa amigartoorutaasimasinnaasut ullormi 13. oktoberimi naatsorneqarnissaat, taamaaliornermigullu taakkua ukiumi aningaasarsiorfiusumi 1992-imi aningaasarsiat akileraaruteqaataasussat naatsorsorneranni ilanngaatilgalugit. Tamanna qinerneqassappat 1992-imi piffissami 1. januarimiit 13. oktoberimut amigartoorutit, erniat naatsorsuutitigullu nalikilliliinerit, tassa ukiu-moortumik naatsorsuusiornermut inatsimmi maleruagassat naapertorlugit nalikilliliissutaasinnaasut, ilanngullugit naatsorsorneqassapput. Aningaasalli nalikilliliissutigineqarsinnaasut annerpaaffissaat tassaapput 13. oktober 1992-imi akileraarutitigut naligineqartut. Akileraarutitigut nalikilliliissutaanerusutut isigineqartussat aatsaat 31. decemberimi atuuttutut isigineqassapput. Tamatumunnga taarsiullugu ukiumi tassani akileraarutitigut nalikilliliinerit ilanngaatigineqartinnagit amigartoorutit tamarmiusut 14. oktoberimik killilerlugit ullunut akileraartussaataasup ingerlatsivimmi anpartiuteqarfigisimasaanut/piginneqataassuteqarfigisimasaanut agguarneqarsinnaapput.

Qaammatsiutit malillugit ukioq ingerlatsiviup ukiutut naatsorsuusiorfittut atunngippagu akileraarutitigut nalikilliliissutaanerusutut isigineqartussat tassaapput 31. decemberimi nalikilliliissutaanerusut. Taamaattumik 14. oktober sioqqullugu sinneqartoorutit amigartoorutilluunniit naatsorsorneqassapput naatsorsuutitigut nalikilliliinernik ilaqartillugit, taamaattorli annerpaamik akileraarutitigut nalingi atorlugit. Assersuutigalugu ingerlatsiviup ukioq naatsorsuusiorfia 30. april 1992-imi naappat, ukiumi aningaasarsiorfiusumi 1992-imi aningaasarsianit allanit ilanngaatigineqarsinnaasut annerpaat tassaapput amigartoorutit naatsorsuutitigut nalikilliliinernik ilaqartillugit naatsorsorneqarsimasut. Taamatuttaaq ukiumi aningaasarsiorfiusumi 1993-imi tamanna atuuppoq, tassa akileraartussaataasup annerpaamik ilanngaatigisinnaammagit 1992-imi piffissami 1. majimiit 13. oktoberimut amigartoorutit naatsorsuutitigut nalikilliliinernik ilaqartillugit naatsorsorneqarsimasut.